

PETRI GVDELINI I. C.
ANTECESSORIS
ACADEMIÆ LOVANIENSIS,

DE IVRE
FEVDORVM
ET PACIS
COMMENTARII,

Ad Mores Belgij ac Franciæ conscripti: quibus
in hac iterata editione accessere

HENRICI ZOESII I. C.

In eadem Academia Prof. Ordinarij,

PRÆLECTIONES

F E V D A L E S,

NVNC PRIMVM EDITÆ.

Omnia cum Summarijs & Indicibus.



L O V A N I I,
Apud IACOBVM ZEGERS Anno CC. CC. XL.
Cum Gratia & Privilegio Regio.

ILLVSTRISS. ET AMPLISSL. VIRI,

M MORTALEM olim sibi glo-
riam peperere fratres duo Am-
phinomus & Anapus , quòd pa-
trem matremque cervicibus sub-
jectis per medias Aetnæ flamas
succollatos tulerint , eosque per-
raræ, sed præclaræ pietatis exemplo ab exitio vindi-
carint, quibus vitam , halitumq; accepta ferebant.
Felicibus sanè auspicijs prognatam sobolem ! Diligere parentes prima quidem Naturæ lex est , & exi-
stimandum est, nullum apud Deos magis honorandum simu-
Plato.
lachrum nos habere debere , quām parentes : quotum ta-
tem quemque reperias , amabo , qui compari pror-
sūs , quo hi germani , eos , à quibus geniti sunt ,
amore prosequatur ? Rara certè avis in terris. Ut
enim humor (Oris Aurei sententiâ) è radicibus
quidem scandit in herbam , ex hac autem in illas
non remeat , sed sursum tranat in semen , sic &
amor à parentibus ubertim manat in prolem , ab
hac autem in illos , non nisi leni admodùm agmi-
ne refluit. Atque hinc est , quòd parentes quidem
opidò quām vehementer filios diligent , quos ta-
men illi consimili amore non complectuntur. In
quam illaudabilis adeò ingratitudinis labem ne &
nos incurreremus , cautiùs semper hactenus cavi-

EX ORATIONE
PRÆLECTIONIBVS
FEV DORVM
PRÆMISSA.

SI materiam Tractatus, quem auspicor, species, nulla est profecto dignior, nulla præstantior, quam hæc FEVDORVM. Non est quod eam multis sermonibus commendem, cum utilitas ejus semetipsam ostendat. Nonne enim præcipua pars patrimonij cuiusque nostrum, & tota Magnatum, Nobiliumque substantia in hoc genere bonorum ferè consistit? Nonne præterea, Regnum & summorum quorumque Principatum successiones pari normâ quam successiones Feudorum deferuntur? An non denique frequentissimæ, & maximè arduæ Disputationes in foro de Feudis existunt? quas nisi quis attigerit, nomine & honore Iuris-consulti nequaquam dignus evadet. Dicam quod sentio: cæteras partes Iuris Civilis, unus mibi videtur hic FEVDORVM Tractatus & multiplici rerum pondere, & delectabili questionum varietate, & incredibili utilitatis ubertate superare. Nullus verò est qui Doctoris facem adjumentumque magis desideret. Præterquam enim quod Textus ipse Librorum, quos de Feudis habemus, nullâ aptâ Titularum, rerumque serie constat: quotquot ferè ad eum scripsierunt, quam inculti atque horridi sunt Commentarij eorum? Excipio paucos, qui purius, concinniusque hanc materiam tractaverè. Verum hi vel in solis Longobardorum

Moribus

Moribus digerendis, exponendisque operam posuerunt; vel ut omnes exteri sunt, ita suæ quisque Patriæ Mores scriptis suis persecuti fuerunt. Atque hujus nostri Belgij Mores in non paucis articulis discrepant, quos suis locis indicabo, ut satisfaciam promisso, quo in programmate seu publicatione harum futurarum de Feudis Prælectionum ante paucos dies sum usus, nempè additurum me ubique Mores hodiernos. Insuper addam, quemadmodum ibi etiam pollicitus sum, passim illustrum Controversiarum, quæ de Regnis, & præcipuis dignitatibus fuere, Decisionumque earum exempla. Cujusmodi exempla ex Historiarum monumentis desumpta, plurimum solent & auctoritatis habere ad probandum, & jucunditatis ad audiendum.

SUMMA PRIVILEGI.

PHILIPPVS Dei Gratia Rex Castiliæ, Aragoniæ, &c. dipломate suo sancivit, ne quis Petri Gudelini I. C. Antecessoris Academia Lovaniensis, De Iure Feudorum & Pacis Commentarios, & Henrici Zoesij I. C. Prælectiones Feudales, præter IACOBI ZEGERS voluntatem ullo modo intra novennium excudat, aut alibi terrarum excusos in Germaniam inferioris ditionis inferat, venalesve habeat. Qui secùs faxit, confiscatione librorum, & aliâ gravi pœnâ mulctabitur: uti expressius patet in litteris datis Bruxellæ V. Augusti M. DC. XL.

Signatum

STEE NHVYSE.

PETRI GVDELIN^L.
 I. C. ET ANTECESSORIS
 LOVANIENSIS,
 DE IVRE
 FEVDORVM
 COMMENTARIUS.

PROLEGOMENA,

1. Rerum immobilium quadam sunt Allodiales, quadam Censuales, Emphyteutica, aut Feudales.
2. Iuris Feudorum cognitio necessaria.
3. Libri Feudorum quae sint, & quid continent.
4. Librorum Feudalium quae Author.
5. An pro Iure scripto & communib[us] habendi?
6. Eorum ordo, & Operis huius methodus.



A R V N rerum, quæ mobiles non sunt, quadam à nobis liberè, & pleno jure possidentur, quæ Allodia dictæ, vocabulo barbaro, sed antiquo, lib. 2. Fend. tit. 54. Nominis rationem variam varij tradidere, Baro ad d. tit. 54. Cuiusc lib. 2. Fend. tit. 17. Budens ad L. Henrenius 63, D. De evictionib. B. Rhenanus lib. 2. Rer. Germanic. Amerbachius in Comment. Capitol. Legum Caroli Magni cap. 7. Aliæ res sunt tales, ut directum dominum alium quemdam agnoscamus; quæ recognitio sit aliæ census, seu canonis alicujus præstatione, ac tunc res vocantur Censuales, Emphyteutica, vel simili aliquo.